



Na osnovu člana 9. Zakona o kantonalnim ministarstvima i drugim tijelima kantonalne uprave («Službene novine Srednjobosanskog kantona», broj: 8/03 i 14/03) I Odluke Vlade Srednjobosanskog kantona o usvajanju programa utroška sredstava sa kriterijima raspodjele sredstava sa pozicije "Subvencije privatnim poduzećima i poduzetnicima za potporu skijalištima i razvoju turizma", utvrđenog Budžetom Srednjobosanskog kantona za 2021.god, broj odluke: 01-11.7-2198/21 od 25.03.2010. godine, Ministarstvo privrede objavljuje

**JAVNI POZIV
ZA ODABIR KORISNIKA SREDSTAVA SA POZICIJE
„SUBVENCije PRIVATNIM PODUZEĆIMA I PODUZETNICIMA ZA POTPORU
SKIJALIŠTIMA I RAZVOJU TURIZMA“ ZA 2021. GODINU**

I PREDMET JAVNOG POZIVA

Objavljuje se javni poziv za dodjelu sredstava za sufinansiranje projekata sa pozicije "Subvencije privatnim poduzećima i poduzetnicima za potporu skijalištima i razvoju turizma". Sredstva za ove namjene su predviđena budžetom Srednjobosanskog kantona za 2021.god u Ministarstvu privrede, u skladu sa Odlukom Vlade Srednjobosanskog kantona o usvajanju programa korištenja sredstava sa kriterijima raspodjele sredstava sa pozicije "Subvencije privatnim poduzećima i poduzetnicima za potporu skijalištima i razvoju turizma",

II NAMJENA

U oblasti "Tekući transferi Subvencije privatnim poduzećima i poduzetnicima za potporu skijališta i razvoju turizma" sufinansiraju se slijedeći projekti:

LOT.1. Projekti za izgradnju, unapređenje i modernizaciju skijališta na prostoru Srednjobosanskog kantona u cilju povećanja konkurentnosti u sektoru turizma i ugostiteljstva i produžetka zimske turističke sezone.

Ciljevi projekata su: poticanje i izgradnja novih i modernizacija postojećih skijališta kako bi se prostor Srednjobosanskog kantona učinio konkurentnim za strana i domaća ulaganja (u turizmu) u odnosu na zemlje okruženja, unapređenje i podizanje usluga na samim skijalištima, povećanje ugostiteljsko-turističkih sadržaja i ponude na skijalištima, uređenje infrastrukture i nabavka opreme za bavljenjem zimskim sportovima, povećanje sigurnosti turista/skijaša, povećanje zaposlenosti i ravnomjerniji regionalni razvoj.

LOT.2. Projekti adaptacije postojećih i izgradnja novih smještajnih kapaciteta.

Ciljevi projekata su: povećanje ugostiteljsko-turističkih sadržaja, razvoj porodičnog i ruralnog turizma, adaptacija postojećih i izgradnja novih smještajnih kapaciteta, ulaganja u povećanje kvalitete i dodatne ponude ugostiteljskih objekata za smještaj, održivi razvoj, očuvanje radnih mjesta, novo zapošljavanje u ovoj oblasti, rast i razvoj ugostiteljsko-turističke privrede u Kantonu.

III PRAVO UČEŠĆA

Pravo učešća na javnom pozivu imaju pravna i fizička lica koja imaju skijališta ili su u fazi izgradnje, subjekti koji se bave izdavanjem smještajnih kapaciteta, te da su registrovana za obavljanje djelatnosti iz oblasti turizma i ugostiteljstva . Subjekti koji apliciraju na ovaj javni poziv za projekte iz LOT.1. moraju priložiti dokaz o posjedovanju koncesije na predmetno skijalište ili dokaz da je podnesen kompletan i valjan Zahtjev za dodjelu koncesije kod nadležnog organa.

Subjekti koji apliciraju na ovaj javni poziv za projekte iz LOT.2.(adaptacija postojećih smještajnih kapaciteta) moraju priložiti Rješenje o ispunjavanju minimalnih uslova i uslova za kategoriju za smještajne objekte, izdano od nadležnog organa.

Nemaju pravo učešća na javnom pozivu subjekti kojima od strane Ministarstva privrede nije prihvaćen izvještaj o implementaciji programa i rezultatima ostvarivanja programa po ranije dobivenim poticajnim sredstvima.

IV DOKUMENTACIJA

- (1) Obavezna dokumentacija
 - a) Zahtjev za uključivanje u program - ovjeren i potpisan od odgovorne osobe
 - b) Obavezni prilozi - spisak potrebne dokumentacije u zavisnosti od podnosioca zahtjeva i programa za koji se prijavljuje dat je u prilogu Zahtjeva za uključivanje u program.
- (2) Sva priložena dokumenta moraju biti izdana od strane nadležnih sudskih i upravnih organa.
- (3) Sve priložene kopije dokumenata moraju biti ovjerene od strane nadležnih organa.
- (4) Dokumentacija ne smije biti starija od 3 (slovima: tri) mjeseca računajući od dana objave, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a.
- (5) Dokumentacija se može preuzeti elektronski putem na web stranici Vlade Srednjobosanskog kantona www.sbk-ksb.gov.ba ili lično u prostorijama Ministarstva privrede Srednjobosanskog kantona sa sjedištem u ulici Prnjavor 16 a, Travnik

V KRITERIJI ZA OCJENU PROJEKATA I IZBOR KORISNIKA

Komisija za razmatranje prispjelih projekata na osnovu javnog poziva, vrednuje prispjele projekte na osnovu slijedećih kriterija:

1. Jasno definisan projekat, sa opisom projekta, aktivnostima koje će se provoditi, očekivanim rezultatom: 10%;
2. Povećanje zaposlenosti: 30%
3. Vrijednost projekta: 20%
4. Stepen samofinanciranja (vlastito učešće %): 30%
5. Stepen sufinansiranja (sredstva iz drugih izvora %): 10%

VI KOMISIJA

- (1) Ministar Ministarstva privrede Srednjobosanskog kantona imenuje Komisiju koja razmatra podnešene prijave i sačinjava prijedlog Odluke o dodjeli sredstava.
- (2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.
- (3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o raspodjeli sredstava.


VII PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu: Ministarstvo privrede, Prnjavor 16 a, 72270 Travnik sa naznakom: " NE OTVARATI - po javnom pozivu "Subvencije privatnim poduzećima i poduzetnicima za potporu skijalištima i razvoju turizma"

VIII OSTALE ODREDBE

- (1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.
- (2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.
- (3) Rok za podnošenje prijava je 20 (slovima: dvadeset) dana od dana objavljivanja Javnog poziva u sredstvima javnog informisanja i web-stranici Vlade Srednjobosanskog kantona www.sbk-ksb.gov.ba.
- (4) Nepotpune, neblagovremene i neuredne prijave neće se uzeti u razmatranje.
- (5) Podnosioci prijave mogu uložiti Prigovor u roku od 8 (slovima: osam) dana.
- (6) Sve dodatne informacije mogu se dobiti svakim radnim danom putem telefona broj: 030/511-217 od 08,00 do 15,00 sati ili putem e-mail: min.priv@bih.net.ba.

Broj: 05-05-02-1870/21
Travnik, 30.03.2021.god



Nosilac projekta	Ministarstvo privrede TRAVNIK	Obrazac 1 /21
------------------	----------------------------------	---------------

ZAHTJEV
za uključivanje u program

“Subvencije privatnim poduzećima i poduzetnicima za potporu skijalištima i razvoju turizma”		Odabrati za koji projekat se podnosi zahtjev (x)
PROJEKTI SU:		
1.	Projekat za izgradnju, unapređenje i modernizaciju skijališta na prostoru Srednjobosanskog kantona.	
2.	Projekat za adaptaciju postojećih i izgradnju novih smještajnih kapaciteta u Srednjobosanskom kantonu	

Naziv projekta:	
Iznos traženih sredstava od Ministarstva:	
Ukupna vrijednost projekta sa traženim iznosom sredstava za sufinansiranja:	

A. OSNOVNI PODACI O PODNOSIOCU ZAHTJEVA	
Naziv podnosioca zahtjeva	
Adresa sjedišta	
Općina	
Ime i prezime osobe ovlaštene za zastupanje	
Tel/fax / e-mail	
Identifikacijski broj	
Transakcijski broj/naziv banke	
Trenutni broj stalno zaposlenih	

B. PODACI O PROJEKTU**1. Kratki sadržaj projekta:**

(ukratko, u tekstu s najviše 15 redova navedite: ciljeve, aktivnosti, način provođenja i očekivane rezultate)

2. Period provođenja projekta:**mjeseci**

Vremenski period implementacije projekta:

Vremenski period implementacije dodijeljenih finansijskih sredstava
(max. do 6 mjeseci):**3. Područje provođenja projekta:**

(npr. lokacija, mjesto, mjesna zajednica i sl.)

**4. PROJEKT FINANSIRANJA / NAMJENA
FINANCIJSKIH SREDSTAVA**

Opis / vrsta ulaganja (namjena sredstava)	Ukupna vrijednost projekta	Dosadašnja ulaganja	Preostaje za ulaganja	PLAN ULAGANJA (KM)			
				Vlastita sredstva	Ostali	Ministarstvo	Ukupno

UKUPNO (KM):							
Stepen finansiranja %:							100%

5. Ekološki aspekti investicije

(navesti kako realizacija investicije ima utjecaj na okolinu i ekologiju):

6. Planirano novo zapošljavanje

(popuniti ukoliko je investicijom planirano upošljavanje novih radnika)

Implementacijom investicije planirano je upošljavanje

_____ novih radnika

7. Ostale aktivnosti

(navesti aktivnosti koje nisu obuhvaćene u obrascu, ukoliko ima takvih aktivnosti):

Uz ovaj obrazac zahtjeva potrebno je dostaviti i slijedeću originalnu dokumentaciju ili ovjerene kopije :

1. Rješenje iz sudskog registra sa svim pojedinačnim priložima.
2. Uvjerenja o poreznoj registraciji (identifikacijski broj: ID broj).
3. Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
4. Izvještaj o finansijskom poslovanju - bilans stanja i bilans uspjeha / specifikacija za utvrđivanje dohotka od samostalne djelatnosti, za 2020. godinu.
5. Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO i zdravstveno osiguranje zaključno sa 31.12.2020. godine) s podacima o broju prijavljenih radnika.
6. Uvjerenje o plaćenim poreznim obavezama ili potpisan sporazum o odgodi plaćanja, a obveznici poreza na dodanu vrijednost i uvjerenje o izmirenim indirektnim porezima ili potpisan sporazum o odgodi plaćanja, zaključno sa 31.12.2020.god.
7. Uvjerenje nadležnog suda da subjekt nije pod stečajem ili pred likvidacijom.
8. Potpisanu i ovjerenu izjavu o nakani namjenskog korištenja sredstava .
9. Izvod iz registra ugovora o koncesijama ili dokaz da je podnesen valjan i kompletan Zahtjev za dodjelu koncesije kod nadležnog organa (Lot.1.)

10. Uvjerenje nadležnog ministarstva o redovnom izmirenju obaveza po osnovu naknade za koncesije (Lot.1.).
11. Rješenje o ispunjavanju minimalnih uslova i uslova za kategoriju za smještajne objekte, izdano od nadležnog organa (Lot.2. adaptacija postojećih smještajnih kapaciteta).
12. Kopiju lične karte odgovorne osobe.

Napomena: Svaki projekat je nezavisan pri određivanju vrijednosti i ugovaranja. Podnosioci zahtjeva koji podnose zahtjeve za više projekata dužni su dostaviti ponude za svaki projekat posebno. Podnosiocu zahtjeva koji ima više projekata po ovom pozivu, Ministarstvo privrede će sufinansirati samo jedan projekat.

Sve dostavljene kopije moraju biti ovjerene od nadležnog organa. Sva dokumenta moraju biti priložena i izdana od strane nadležnih sudskih ili upravnih organa u FBiH i ne mogu biti starija od 3 mjeseca, (osim rješenje o registraciji pravnog subjekta, uvjerenje o poreznoj registraciji i uvjerenje o registraciji PDV-a), od dana objavljivanja ovog poziva. U suprotnom kompletan projekat biti će odbijen i neće biti predmet daljnjeg razmatranja.

Projekti i sva dokumentacija tražena javnim pozivom mora biti prikladno uvezana u cjelinu logičkim redom (prema popisu dostavljenih dokumenata).

Spisak podnosioca zahtjeva čiji projekti ne ispunjavaju uslove iz javnog poziva objavljen će biti na web stranici Vlade Srednjobosanskog kantona: www.sbk-ksb.gov.ba.

Podnosioci zahtjeva čiji projekti ne ispunjavaju uslove iz javnog poziva, mogu uložiti prigovor Ministarstvu privrede u roku od 8 dana od dana objave rezultata radi provjere činjenica.

Broj prihvaćenih projekata, te visina sredstava koja će se dodjeliti korisniku, zavisit će o kvaliteti i stepenu povoljnosti projekta, kao i o visini raspoloživih sredstava po ovom programu.

Projektom zahtijevana sredstva od Ministarstva ne mogu sadržavati troškove tekućih komunalnih usluga (telefon, struja, voda, gas i sl.), ličnih dohodaka/plaća, doprinosa, službenih putovanja i ostalih naknada korisnika sredstava, konzumiranja jela, pića i sličnih aktivnosti

<p><i>Ovim izjavljujem, pod punom materijalnom i krivičnom odgovornošću da su gore navedeni podaci istiniti što potvrđujem potpisom</i></p> <p style="text-align: center;">MP (ovjeriti pečatom)</p>	<p>Mjesto:</p> <p>Datum:</p> <p>..... potpis odgovorne osobe</p>
---	--